



PORTA-VOZ V GOVERN KONSTITUSIONÁL



KOMUNIKADU
BA MEDIA

Loron 5 Fulan Marsu Tinan 2013
Díli, Timor-Leste

Timor-Leste klarifika taxa fiskal internasional no obrigasaun alfândega nian sira

Haree fali ba susesu *workshop* internasional nian ne'ebé hala'o ona iha semana liubá, ne'ebé inklui tema kona-ba investimentu privadu, importante mak atu esklarese buat ruma ne'ebé kompriende sala no bele mosu iha imprensa lokál sira kona-ba empreza internasional no obrigasaun fiskál sira.

Bainhira empreza ida sai de'it hanesan fornesedór bai sasán nian ba destinatáriu ida ne'ebé hela iha Timor-Leste, nia laiha obrigasaun legál atu rejista-an iha Timor-Leste. Bainhira empreza internasional ida sai hanesan fornesedór merkatoria ba ema ida, instituisaun Governu nian, empreza ka instituisaun seluk iha Timor-Leste, nia laiha obrigasaun atu rejista-an no la presiza hetan Número Identifikasiun Fiskál (NIF). Laiha ezijénsia legál ba empreza ida atu rejista-an iha Timor-Leste atubele kandidata-an ba konkursu internasional nein atu sai vensedór iha ámbitu konkursu ida nian.

Servisu Partikulár hotu-hotu, empreza sira ka instituisaun governamentál sira ba importasaun sasán sira mai Timor-Leste iha obrigasaun atu selu taxa aduaneira no impostu ba Estadu, bainhira ninia merkatoria to'o ona iha fatin. Parte ne'ebé konsidera nu'udar responsável ba taxa aduaneira hirak ne'e no impostu sira sei identifika iha Termu Entrega nune'e mós iha Deklarasaun Aduaneira.

Parlamentu Nasional garante katak instituisaun governamentál ne'ebé sosa sasán sei selu impostu hodi bele kria igualdade kondisaun merkadu nian sira ba setór privadu. Dala barak mak instituisaun ne'e governu nian, ka instituisaun seluk Timor-Leste nian, ne'ebé sosa merkatoria no, tanba ne'e, mak iha responsabilidade atu selu impostu kona-ba simu sasán nian. Ministériu Edukasaun, Ministériu Saúde, Sekretaria Estadu Eletrisidade, porezemplu, ka kualkér Ministériu ka instituisaun seluk ne'ebé sosa sasán ne'e, sira rasik maka sai nu'udar proprietáriu (na'in) no reseptór/ (ema ida ne'ebé mak simu) merkatoria sira.

Partikulár ka empreza sira ne'ebé rejista ona iha rai-li'ur, ne'ebé fornese sasán no servisu, sai nu'udar responsável atu selu impostu, ka iha rai-li'ur ka iha Timor-Leste, depende ba ninia kontratu rasik. Nune'e mós, impostu sira ne'ebé sei selu iha Austrália hetan entre 30% no 40%, la kompete ho taxa fiskál Timor-Leste nian ne'ebé hetan 10%. Timor-Leste harii sistema tributáriu ida simples liu, efikás no eficiente iha



Ágio Pereira
+670 77045002
agio.pereira@cdm.gov.tl
govtmedia@gmail.com
www.timor-leste.gov.tl

mundu. Ba ema barak, halo tranzasaun sira ho Timor-Leste signifika katak nia kontinua selu impostu boot liu iha ninia rain, no nia sei selu impostu kí'ik liu baihira muda mai halo negósiu iha ne'e. Timor-Leste sei haburas interese ema nian no fiar katak sei iha empreza barak liután maka nia sei hetan iha aban-bainrúa.

Sistema tributáriu nacionál harii hodi proporsiona ambiente ida ne'ebé favorável liu ba investimentu iha mundu, liuliu atu país frajíl ida bele hasa'e lailais liu ninia kreiximentu ekonómiku. Agio Pereira hateten katak "Mézmuke ita-nia sistema simples liu, importante tebetebes ba ita hotu-hotu, inklui komunikasaun sosiál, sosiedade civil no públíku, kompriende lejizlasaun atu ita bele habelar no sosializa mensajen sira ho loloos nu'udar dalan ida atu promove investimentu no komérsiu". **REMATA**



Ágio Pereira
+670 77045002
agio.pereira@cdm.gov.tl
govtlmedia@gmail.com
www.timor-leste.gov.tl